



basic education

Department:
Basic Education
REPUBLIC OF SOUTH AFRICA

**NATIONAL ASSESSMENT
GENERAL EDUCATION CERTIFICATE (GEC)**

2024 GRADE 9 PILOT STUDY

Thuto: Sesotho Puo ya Lapeng

Matshwao: 70

Nako: Metsotso e 150

Ho sa kenyelletswa metsotso e 15 ya ho bala

Teko ena e na le maqephe a **24** ho sa kenyeletswa le ka hodimo.

Ditaelo ho moithuti

1. O tla fuwa metsotso e 15 ya ho bala pele o qala ho araba teko ena.
2. Bala ditaelo tsohle o nto araba dipotso ka hloko.
3. Araba dipotso tsohle.
4. Ngola dikarabo tsa hao tsohle bukeng eo o e filweng.
5. Pampiri ena e na le dipotso tse nne. Matshwao kaofela ke 70 , matshwao a Potso 1 ke 25, a Potso 2 ke 15, a Potso 3 ke 10 le Potso 4 ke 20

Teko e qala leqepheng le latelang.



O se ke wa phetla leqephe pele o laelwa ho etsa jwalo.

Potso 1: Temakutlwisiso

Bala tema e latelang o nto araba dipotso tse tla latela.

Bophelo bo matlafetseng

- 1 Mariha a re bakela mathata mebeleng ya rona. E! Dijo tseo tse monate, jwalo ka nama, bohobe bo hlabosehang, disopho tse reberebe, kofi tseo tse tshetsweng lebese le futhumaditsweng ke tsona tse bakang hore mebele ya rona e none. Ha lehlabula le kena ke hona re nyahlatsang mokgwa wa ho ja tsohle tse eketsang boima ba mebele ya rona, re nkang bohato ba ho fokotsa mebele. Re aha serobe phiri e se e jele.
- 2 Ho bonolo ho bua ho e na le ho etsa. Re tlwaetse ho robala betheng tsa rona tse mabotjhotjho ebile re fana ka mabaka a hore hobaneng re sa tsohe nakong ya dikgwedi tse batang tsa mariha. Ke bitsa dikgwedi tsa Mariha nako ya ho ipata! Ho ya ka dipatlisiso batho ba babedi ho ba bararo ba iphumana ba na le keketseho ya mebele ka dikilogramo tse pedi ka lebaka la ho hlola ba robotse nakong mariha.
- 3 Hantlentle, mariha re lakatsa dijo tse futhumetseng; tse monate; hore re dule re futhumetse re ikutlwa re phutholohile. Re nwa kofi bonyane dikopi tse nne ka letsatsi ka kgabana tse pedi tsa tswekere le lebese. Re a lebala hore tswekere e bokelletsehileng mmeleng e baka mahloko a sa phekoheng. Setjhu le sopho tseo re di ratang le tsona mariha di na le dinoko le khabohaetereite tse ngata tse se nang molemo mebeleng ya rona. Tsena ke dijo tse mona tseo batho ba itatswang menwana ha ba di ja feela di se na molemo. Sehleng sena re ja sa mpana phatloha.
- 4 Sehleng sa sena ha re ikwetlise ho lekaneng ebile re sa ithokomele re ka qetella re lekana le tlou re sitwa le ho tsamaya. Kannete mariha a na le kgahlamelo e mpe maphelong a rona. Metsi ona ha re nwe ho hang. Re hloka metsi ho thusa ho tsamaisa dimatlafatsi diseleng tsa mmele hape a thusa le ho laola motjheso. Nakong ena ha re natefelwe ke ho nwa metsi a batang, kahoo ho nwa mekedikedi ho fokotseha. Re tshwanela ho nwa dikgalase tse 6 tsa metsi ka letsatsi, ho fokotsa bongata ba dijo tseo re di jang. Ho bohlokwa ho nwa metsi metsotso e 30 ho isa ho e 60 pele ho dijo.
- 5 Meroho le ditholwana ke mehlodi ya divithamine tsa bohlokwa tse matlafatsang mebele ya rona. Ha ho a tshwanela ho ba thata ho di ja, e ja feela ditholwana le meroho tse o natefelang. Ho kenyeletsa meroho le

ditholwana dijong tsa hoseng, le ho ikwetlisa kamehla ho iphetola pheko mebeleng ya rona.

E qotsitswe le ho hlophiswa ho tswa ho Aspen Magazine: volume 1.4

1.1 Bolela hore ke nakong efe ya selemo, eo batho ba nonang ka yona.

(Seratswaneng sa 1)

- A Selemo
- B Hwetla
- C Mariha
- D Lehlabula (1)

1.2 Motho ya batlang ho phela bophelo bo matlafetseng o lokelang ho e etsa eng?

(Seratswaneng sa 5)

- A Ho ja tsohle.
- B Ho ja meroho feela.
- C Ho ja setjhu se tshetsweng dinoko.
- D Ho ja meroho le ditholwana. (1)

1.3 'Ha Lehlabula le kena ke hona re nyahlatsang mokgwa wa ho ja tsohle'

Polelong e ka hodimo lentswe 'nyahlatsa' le bolela eng? (Seratswaneng sa 1)

- A ho tlohela
- B ho ithuta
- C ho elellwa
- D ho utlwisisa (1)

- 1.4 Ke eng e bontshang hore batho ba tshaba Mariha?
- A Batho ba bokelletsa dijo pele ho Mariha.
 - B Batho Mariha ba a ipata.
 - C Batho Mariha ba ja haholo.
 - D Batho Mariha ba a thothomela ke serame. (1)
- 1.5 Ke polelo efe e netefatsang hore mongodi o tshwenyehile ka tsela eo batho ba jang ka yona Mariha?
- A O kgothalletsa hore batho ba je setjhu Mariha hore ba futhumale.
 - B O kgothalletsa hore batho ba robale Mariha hore ba futhumale.
 - C O fana ka tataiso ya hore batho ba je dijo dife Mariha.
 - D O fana ka tataiso ya ho eketsa boima ba mmele Mariha (1)
- 1.6 Hlwaya polelo e nang le dintlha tsa bohlokwa tse kgutsufatsang tema.
- A Batho ba tlohele ho ja dijo tse se nang molemo, ba je dijo tse matlafatsang mebele ya bona.
 - B Batho ba tlohele ho ja dijo tse se nang molemo.
 - C Batho ba tlohele ho lakatsa dijo tse futhumetseng tse monate Mariha
 - D Batho ba tlohele ho ja dijo tse senang molemo ba je dijo tse otisang mmele ya bona. (1)
- 1.7 Hlalosa hore sehlooho sa tema ena “Bophelo bo matlafetseng” se bolela eng?
- A Ho ja dijo tse ahang mmele le ho ikwetlisa kamehla.
 - B Ho ja dijo tse ahang mmele le ho se nwe metsi a lekaneng kamehla.
 - C Ho ja dijo tse ahang mmele le ho se ikwetlise ho lekaneng kamehla.
 - D Ho ja dijo tse ahang mmele le ho ithoballa kamehla. (1)

1.8 Ke qeto efe eo o ka e nkang kamora ho bala tema?

- A O lokela ho matlafatsa mmele ka ho ja dijo tse ngata hoseng.
- B O lokela ho matlafatsa mmele ka ho ja mefuta e fapaneng ya dijo.
- C O lokela ho matlafatsa mmele ka ho ja meroho le ditholwana tse o natefelang.
- D O lokela ho matlafatsa mmele ka tsela ya ho ikwetlisa le ho ja ka nepo. (1)

1.9 'O ka qetella o lekana le tlou o sitwa le ho tsamaya'. (Seratswaneng sa 4)

Bolela mokgabisopuo o sebedisitsweng polelong e ka hodimo?

- A Tshwantshanyo
- B Mothofatso
- C Phetheletso
- D Tshwantshiso (1)

1.10 Ke batho ba ba kae ba nonang Mariha?

- A ba babedi ka ntle ho ba bararo
- B ba babedi le ba bararo
- C ba babedi ho isa ho ba bararo
- D ba babedi ho ba bararo (1)

1.11 '... ba itatswang menwana.' (Seratswaneng sa 3)

Mantswe a ka hodimo a leka ho akanya eng?

- A hore dijo di bodila haholo
- B hore dijo di letswai haholo
- C hore dijo di natefela motho ya di jang
- D hore dijo di babela motho ya di jang (1)

1.12 Kgetha karabo le tshehetso e nepahetseng.

- A Nnete. Batho ba a nona Mariha.
- B Nnete. Batho ba diha boima ba mmele Mariha
- C Mafosi. Batho ba dula ba ikwetlisa Mariha
- D Mafosi. Batho ba tlwaetse ho se robale Mariha. (1)

1.13 Hlalosa hore boitshwaro ba batho bo fapana jwang nakong ya Mariha le nakong ya Lehlabula.

- A Lehlabula ba nwa disopho tse hlabosehang ha Mariha ba nwa metsi a lekaneng.
- B Lehlabula ba nka bohato ba ho ikwetlisa ha Mariha ba hlola ba robetse ba sa ikwetlise ho lekaneng.
- C Lehlabula ba nwa kgalase tse tsheletseng pele ba ja dijo ha Mariha ba nwa disopho.
- D Lehlabula ba ja setjhu se monate Mariha ba ja ditholwana feela. (1)

1.14 'Re ja sa mpana phatloha' (Seratswaneng sa 1)

Polelwana ena e akanya eng ka maemo a renang nakong ya mariha?
(Seratswaneng sa 3)

- A Re ja re kgetha seo re se jang
- B Re ja ho feta tekano mariha.
- C Re ja hore re se kgore mariha.
- D Re ja tsohle mariha. (1)

- 1.15 'Ha o sa itlhokomele mariha o ka qetella o lekana le tlou o sitwa le ho tsamaya.'
(Seratswaneng sa 4)

Polelo e ka hodimo e tliša maikutlo afe ka ho ja dijo tse fosahetseng.

- A maikutlo a thabo
- B maikutlo a kutlwelobohloko
- C maikutlo a ho tshoha
- D maikutlo a kgalefo (1)

- 1.16 Hlwaya polelo e jereng mohopolo wa sehlooho wa seratswana.
(Seratswaneng sa 4)

- A Ho nwa mekedikedi e jwalo ka kofi le sopho ho imatlafatsa.
- B Ho nwa metsi metsotso e 30 kapa e 60 pele o ja dijo ho ka fokotsa bongata ba dijo tseo o di jang.
- C Ho nwa dikgalase tse 6 ho ya ho tse 8 tsa metsi ka letsatsi ho bohlokwa.
- D Ho nwa metsi metsotso e 30 kapa e 60 kamora ho ja dijo ho ka fokotsa bongata ba dijo tseo o di jang. (1)

- 1.17 'Ke bitsa dikgwedi tsa mariha nako ya ho ipata!'

Mosebetsi wa letshwao lena (!) ke ofe polelong e ka hodimo?

- A ke ho bontsha ho makala
- B ke ho bontsha puo ya sebui ha se ne se bua
- C ke ho bontsha pheletso ya polelo
- D ke ho bontsha kgalefo (1)

1.18 'Mariha a na le kgahlamelo e mpe maphelong a rona' (Seratswaneng sa 3)

Polelo e ka hodimo e akanya eng?

- A Mariha batho ba ja hanyenyane ebile ba mafolofolo.
- B Mariha batho ba ja dijo tse monate ebile ba nwa metsi.
- C Mariha batho ba ja haholo ebile ba botswa.
- D Mariha batho ba ja dijo tse futhumetseng ebile ba a ikwetlisa. (1)

1.19 Ho bolelwa eng ha ho thwe ' mariha a na le kgahlamelo e mpe maphelong a rona' (Seratswaneng sa 3)

- A hore batho mariha ba ja meroho le ditholwana
- B hore batho mariha ba ja dijo tse ahang mmele ebile ba ba mafolofolo
- C hore batho mariha ba ja dijo tse fosahetseng ebile ba ba botswa
- D hore batho mariha ba ja ha monate ba iketlile (1)

1.20 Tema eo o e badileng ka hodimo e reretswe bomang?

- A bomme bohle
- B batho bohle
- C bontate bohle
- D barwetsana bohle (1)

1.21 Hlalosa sepheo sa seratswana sa pele.

- A se tsebisa mohopolo wa sehlooho wa tema
- B se hlalosa mehopolo e tshehetsang tema
- C se hlahisa mohopolo wa sehlooho le o tshehetsang
- D se akaretsa mehopolo ya ditema (1)

1.22 'Ho ja meroho le ditholwana ha ho a tshwanela ho ba thata, e ja feela ditholwana le meroho tse o natefelang'.

Nehelana ka mohopolo o tliswang ke polelelo e ka hodimo.

- A ke ho potlakisa mokgwa wa ho ja ditholwana
- B ke ho bebofatsa mokgwa wa ho ja ditholwana
- C ke ho thatafatsa mokgwa wa ho ja ditholwana
- D ke ho mpefatsa mokgwa wa ho ja ditholwana (1)

1.23 O nahana hore mokgwa oo batho ba jang ka ona mariha o tla fella kae?

- A o tla fela ha ba se ba nonne
- B o tla nne o tswelopele hobane ba se ba tlwaetse ho ja jwalo
- C o tla fetoha hobane ba filwe dikeletso tsa ho ja hantle
- D o tla mpefala hobane ba kgothalletswa ho ja jwalo (1)

1.24 '... o ka qetella o lekana le tlou.' (Seratswaneng sa 4)

Hlalosa hore polelwana e ka hodimo e matlafatsa jwang ho re dijo tse jwang mariha ha di a loka.

- A Mariha motho o nona ho feta tekano
- B Mariha motho o nona ho lekaneng
- C Mariha motho o nona jwaloka tlou
- D Mariha motho o nona le ditlou (1)

1.25 Kgetha polelo e nepahetseng e bontshang hore tema e fihlelletse sepheo sa yona.

- A Mongodi o tshwenyehile ke mokgwa oo batho ba jang ka ona ebile o re ba mpe ba nwe metsi.
- B Mongodi o tshwenyehile ke mokgwa oo batho ba jang ka ona Marihale Lehlabula.
- C Mongodi o tshwenyehile ke mokgwa oo batho ba jang ka ona ebile o fana ka dikeletso tsa ho ja ka nepo.
- D Mongodi o tshwenyehile ke mokgwa oo batho ba jang ka ona hoo a seng a bile a ba shebile feela.

(1)

(25)

Potso 2: Tema tsa ditshwantsho

2.1 Papatso

Boha papatso e latelang o nto araba dipotso tse thehilweng hodima yona .



Lipton
Green Tea

**TEE YA KA HA E
NA DIKHALORISI
HO HANG.*
YA HAO YONA?**

Dula o le mahlahahlaha o matlafetse. O le morolo ka nako tsohle tsa tshebetso, **Kgetha ho nwa tee e hlabollang ya lipton green tea**, e fapane le ditee tse ding ha e na dikhalorisi hohang. Nwa mothangwana wa *lipton green tea* **NATEFELWA o KWENE!**

**IKUTLWE O LE MAFOLOFOLO,
MAHLAHAHLAHA KA NAKO
TSOHLÉ!**

E qotsitswe le ho hlophiswa ho tswa ho : webmedia

2.1.1 Nehelana ka sehlahiswa se bapatswang papatsong ena.

- A Kopi ya tee
- B Lebokoso la tee
- C Tee ya lipton
- D Tee ya rooibos

(1)

2.1.2 Puo ya sefahleho ya mosadi ya papatsong e totobatsa maikutlo a ...

- A kgotsofetseng.
- B kgenngeng.
- C maketseng.
- D hlonameng. (1)

2.1.3 Hobaneng ha polelo ena “TEE YA KA HA E NA DIKHALORISI HO HANG YA HAO YONA?” e ngotswe ka ditlhaku tse kgolo papatsong?

- A ho bapatsa sehlahiswa
- B e bontsha tee e hlabosang
- C ho hohela bareki
- D ho netefalletsa bareki hore e tla fetola maphelo a bona (1)

2.1.4 Mantswe ana a na le tshusumetso efe ho moreki?

‘Nwa mothangwana wa *lipton green tea, natefelwa, o kwene!*’

- A A susumelletsa moreki hore a leme sehlahiswa sena.
- B A susumelletsa moreki a rekise sehlahiswa sena
- C A susumelletsa moreki hore a reke sehlahiswa sena
- D A susumelletsa moreki hore a se lakatse sehlahiswa sena (1)

2.1.5 Pososelo ya mosadi ya hlahileng papatsong e amana jwang le molaetsa wa papatso?

- A E bontsha hore o makalletse motswako wa tee e se nang dikhalorisi
- B E bontsha hore o saretswe ke motswako wa tee e se nang dikhalorisi
- C E bontsha hore o ikemiseditse motswako wa tee e nang le dikhalorisi
- D E bontsha hore o thabetse motswako wa tee e se nang dikhalorisi (1)

2.2 KHATHUNU

Lekola tema o nto araba dipotso tse tla latela.



- 2.2.1 Ditaba tse khathunung ena di etsahala sebakeng sefe? (1)
- 2.2.2 Ke eng se netefatsang karabo ya hao e ka hodimo ya 2.2.1? (1)
- 2.2.3 Ho ya ka wena Mohlomphehi ya hlahellang khathunung o sebetsa mosebetsi ofe? Tshehetsa karabo ya hao ka lebaka. (2)
- 2.2.4 Ho tona mahlo le ho bula molomo ha ngwanana ya hlahellang khathunung ena ho senola maikutlo afe? (1)

- 2.2.5 Ho phahamisa letsoho ho entsweng ke monna ya hlahellang bukeng ya moithuti khathunung ena ,ho supa eng? Karabo ya hao e itshetlehe hodima ditaba tsa khathunu. (2)
- 2.2.6 Molaetsa wa khathunu ke ofe? (1)
- 2.2.7 Ebe se etsahalang ka hare ho buka ya moithuti se netefatsa se buuwang ke mohlomphehi ya rutang? Tshehetsa karabo ya hao lebaka. (2)

[10]

Potso 3

Kgutsufatso

Bala ditaba tsa tema e latelang, mme o kgutsufatse mekgwa ya ho lwantsha monono o fetellelseng.

ELA HLOKO: O tshwanetse ho etsa tse latelang:

1. Ngola dintlha tse SUPILENG ka dipolelo tse felletseng.
2. Nomora dipolelo tsa hao ho tloha ho 1-7.
3. Ngola ntlha e le NNGWE bakeng sa polelo ka nngwe.
4. Kgutsufatso tema o sebedisa mantswe a hao.
5. Bolelele ba palo ya mantswe a kgutsufatso e be 70-80.
6. Ngola palo ya mantswe a sebedisitsweng ka hara masakana qetellong ya kgutsufatso.
7. Ha ho hlokahale ho ngola sehlooho kgutsufatsong ya hao.

Lwantsha monono o fetellelseng

Monono o fetellelseng o hlahoswa e le keketseho ya mafura a mangata mmeleng a ka bakang mafu a mangata. Ho ja hantle ke mekgwa e mengata e ka sebediswang ho laola monono o fetellelseng. Qoba ho ja dijo tse sa aheng mmele tse kang dinomaphodi tse tsekere e ngata le dijo tse sa hlophiswang hae. Etsa ditlhakiso tsa mmele ka nako tsohle ho etsa hore ho be le phallo ya madi e loketseng. Fokotsa ho nwa jwala haholo kaha bo se na diaha mmele empa bo e na le dikilojoule tse ngata tse bakang hore o be le kगतello ya maikutlo. Ho se robale hantle, ho se je hantle le ho ba le disiuwa, ho kaba le seabo mmeleng o moholo. Motho a ka tseba hore o na le monono o fetellelseng ha ngaka e ka metha bolelele ba hae papisong le ho kala boima ba hae.

Ngaka e ka metha ho potoloha le letheka bakeng sa ho hlahloba boima ba hao. Monono o fetellelseng o ka baka mafu a mangata a kang, lefu la pelo, mofuta o itseng wa mofetshe, le lefu la tsekere. Ha eba bophara ba hao ba letheka e le disentimitara tse 94 ho bontate le disentimitara tse 80 ho bomme, fokotsa ho ja dijo tse nang le dikilojoule tse ngata mme o fumane keletso ho moeletsu wa phepo e ntle.

Etsa ditlhakiso tsa mmele metsotso e 30 ka letsatsi, tse kang ho sesa, ho matha, ho otlolla maoto, ho bapala tenese esita le ho tsamaya ka dipalangwang tsa setjhaba.

O ka tshehetsa ho theoha ha mmele ka ho fumana dikeletso ho moeletsisi wa mahloko a kelello. O ka sebedisa meriana ya ho theola mmele eo o e filweng ke ngaka mme o leke ho fokotsa dijo tse sa aheng mmele mme o boele o etse ditlhakiso tsa mmele nakong eo o sebedisang meriana ena. Mokgwa o mong wa ho fokotsa mmele ekaba ho etsa opareishene ya ho theola mmele, e ka thusang batho ba bangata ho fokotsa tsela eo e ba jang ka yona ka morao hoba ba fokotse mohodu wa bona ka mokgwa wa opareishene.

[E qotsitswe le ho hlophiswa ho tswa ho :Google media]

Potso 4

Dibopeho le Melao ya Tshebediso ya Puo

Bala tema e latelang o nto araba dipotso tse thehilweng hodima yona.

- 1 Ba ha Morapedi ba ne ba swaswa dilemong tse ngata tse fetileng hore bana ba bona ba ka sebedisa kampo ya thuto ya motheo ya sekgalekgale. Sena se ba fumantsha thuto ya mantlha le bokgoni ba ho phela hantle. Ka hoo ba ba etsetsa kampo ha dikolo di kwetswe nakong ya mariha.
- 2 Kampo e nkile dibeke tse nne bana ba rutwa dintho tse ngata, tse jwaloka "Boitshepo le ho phetha mesebetsi ya ka phaposing ya ho phehela, Polokeho le ho ba malalaalaotswe bakeng sa maemo a tshohanyetso, Ho hlatswa diaparo le ho hlwekisa," le dithuto tse kenyelletsang "Thuso ya pele le Maemo a phedisano." Morapedi le Mmatlholo ba tshepa hore dintho tseo bana ba di rutilweng kampong di tla ba thusa ha ba ikarabella dipuong tse thefulang maikutlo kapa ha ba hlwekisa moo ba dulang teng ba le bang. Ba dumela hore bana bohle ba ithuta ka ho etsa diketso tse itseng e tswe thupa e kojwa e sa le metsi.
- 3 Ba ha Morapedi ba ile ba sebedisa lesedi ho tswa bukeng ya 'kamoo o ka bang motho ya phethahetseng' ho tataisa bana ba bona. Buka ena ba e kgethile ka hara qubu ya dibuka tseo ba nang le tsona. E na le ditaello tse kgutshwanyane, tse rutang ka ntho e nngwe le e nngwe ho tloha ka mokgwa wa ho hlopha diaparo le ho thibolla ntlwana kapa mokgwa wa ho kopa tshwarelo.
- 4 Mmatlholo ha a botswa hore hobaneng a kgethile buka ena, o re " Mongodi bukeng ena o memela bana bophelong ba lefatshe, mme o ba hlalosetsa seo ba tshwanelang ho se etsa letsatsi le leng le le leng."

E qotsitse leho hlophiswa ho tswa ho: google

- 4.1 Buka ena ba e kgethile ka hara qubu ya dibuka tseo ba nang le tsona.
(Seratswaneng sa 3)

Bolela hore lentswe le sehetsweng mola polelong e ka hodimo ke mofuta ofe wa lebitso.

- A lebitsokgoboka
- B lebitsohohle
- C lebitsobitso
- D lebitsomamarane (1)

- 4.2 Hlwaya polelomararane ho tseo ho nehelanweng ka tsona ka tlase.

- A Morapedi o sebedisa tlhahisoleseding e rutang bana dintho tsa bohlokwa.
- B Morapedi o sebedisa tlhahisoleseding.
- C Morapedi o ruta bana dintho tsa bohlokwa.
- D Morapedi o sebedisa tlhahisoleseding ho tswa bukeng empa a ntse a ena le tsebo ya bohlohoholo. (1)

- 4.3 Nehelana ka lehlalosongwe la lentswe 'motheo.' (Seratswaneng sa 1)

- A qetelo
- B phetelo
- C simolla
- D mahareng (1)

- 4.4 Kampo e nkile dibeke tse nne bana ba rutwa dintho tse ngata.
(Seratswaneng sa 2)

Kgetha sehlongwanthao se nepahetseng ho nyenyefatsa lentswe le sehetsweng mola.

- A -ana
 - B -anayana
 - C -ng
 - D -hadi
- (1)

- 4.5 'e nkile dibeke tse nne' (Seratswaneng sa 2)

Polelwana e ka hodimo ke ya mofuta ofe wa dipolelwana?

- A Polelwanakutu
 - B Polelwanabitso
 - C Polelwanakgethi
 - D Polelwanahlalosi
- (1)

- 4.6 Morapedi o ile a sebedisa lesedi ho tswa bukeng ... Buka eo e na le ditaello tse kgutshwanyane, tse utlwisisehang.

Hlwaya lekopanyi le nepahetseng ho a latelang, ho kopanya dipolelo tse ka hodimo.

- A hore
 - B kaha
 - C kahoo
 - D empa
- (1)

4.7 Kampo e nkile dibeke tse nne bana ba rutwa dintho tse ngata.

Lekgethi le sehetsweng mola le sebedisitswe jwang polelong?

- A le kgetha lebitso ho ya ka sebopeho
- B le kgetha dintho ho ya ka mmala wa tsona
- C le kgetha dintho ho ya ka palo ya tsona
- D le kgetha dintho ho ya ka nako eo di etsahalang ka yona (1)

4.8 “Mongodi bukeng ena o memela bana ho phela bophelo ba lefatshe”

Hlwaya lehlalosi la sebaka polelong e ka hodimo.

- A lefatshe
- B Bukeng
- C bophelo
- D ho phela (1)

4.9 Kampo ya thuto ya motheo e ruta bana mahlale a ho iphedisa.

Hlwaya polelo e ngotsweng ka ho nepahala e ho boetsuwa ho tse latelang.

- A Mahlale a ho iphedisa a rutwa bana kampong ya thuto ya motheo.
- B Mahlale a thuto ya motheo kampong ya thuto a rutelwa bana ho iphedisa.
- C Mahlale a ho iphedisa kampong ya thuto ya motheo a rutwa bana.
- D Thuto ya motheo e rutetswe kampong bakeng sa ho iphedisa. (1)

4.10 ‘thupa e kojwa e sa le metsi’.

Kgetha karabo e nepahetseng e hlalosing maele a ka hodimo.

- A Bana ba rutwa mekgwa e nepahetseng ba sa le banyenyane.
- B Bana ba tshwana le thupa e metsi ba kobeha habonolo.
- C Bana ba mamela hantle ha ba shatjwa ka thupa e metsi.
- D Thupa e metsi e thusa ho kgalema bana. (1)

4.11 Hlwaya polelo e nang le moelelo o fapaneng le wa ka moo lentswe 'tataisa' le sebedisitsweng ka teng temeng. (Seratswaneng sa 2)

- A Mmatlholo o tataisa bana hore ba tsebe tsa bophelo.
- B Titjhere o tataisa bana ka ho ba ruta ditlhaku tsa nteterwane.
- C Mosuwe o tataisa bana ho utlwisisa thuto ya motheo.
- D Batho ba ruta bana ho tsamaya ka ho ba tataisa. (1)

4.12 Hlwaya kgutsufatso e nepahetseng ya lentswe 'mofumahadi' ho dikgutsufatso tseo ho nehelanweng ka tsona.

- A mofts.
- B mof
- C mofts
- D mof. (1)

4.13 Kgetha polelo eo ho yona ho sebedisitsweng matshwao a puo ka nepo ho tse latelang.

- A Ao, le batho ba baholo le bona ba hloka thuto ya motheo!
- B Ao, le batho ba baholo le bona ba hloka thuto ya motheo.
- C Ao le batho ba baholo le bona ba hloka thuto ya motheo?
- D Ao! Le batho ba baholo ba hloka thuto ya motheo? (1)

4.14 Buka e kgethilwe ka hara qubu ya dibuka tseo ba nang le tsona. (Seratswaneng sa 3)

Kgetha leemedi le nepahetseng bakeng sa lentswe le sehelleletsweng mola.

- A sona
- B bona
- C tsona
- D yona (1)

4.15 'Morapedi o ile a sebedisa ... ho tswa bukeng ha a ruta bana ha hae'.

Kgetha lentswe le peletilweng ka nepo ho qetella polelo e ka hodimo.

- A tlahisoleseding
- B tlahisolesedi
- C tlhahisoleseding
- D tlaisoleseding

(1)

4.16 "Mongodi bukeng ena o tla memela bana bophelong ba lefatshe".

Fetolela polelo e ka hodimo ho lekgathe lekwale.

- A Mongodi o ile a memela bana bophelong ba lefatshe bukeng ena.
- B Mongodi bukeng ena o mema bana bophelong ba lefatshe.
- C Mongodi bukeng ena o memetse bana bophelong ba lefatshe.
- D Mongodi bukeng ena o ntse a memela bana bophelong ba lefatshe.

(1)

4.17 "Mongodi bukeng ena o memela bana bophelong ba lefatshe" ho realo Mmatlholo. (Seratswaneng sa 4)

Hlwaya polelo e ho puopehelo ho tse latelang.

- A "Mongodi bukeng ena o memela bana bophelong ba lefatshe" ho realo Mmatlholo.
- B "Mongodi o itse bukeng ena o memela bana bophelong ba lefatshe" ho hlalosa Mmatlholo.
- C Mmatlholo o tla re mongodi bukeng eo o memela bana bophelong ba lefatshe.
- D Mmatlholo o re mongodi bukeng ena o memela bana bophelong ba lefatshe.

(1)

4.18 Hlwaya polelo e bontshang ho tadima ditaba ka lehlakore le le leng.

- A Bana ba ithuta ka ditsela tse fapaneng.
- B Bana ba banyenyane ba ithuta ho tswa ho batho ba baholo.
- C Bana bohle ba ithuta ka ho etsa ketso e itseng.
- D Bana ba ithuta ho tswa ho metswalle. (1)

4.19 Bolela hore mosebetsi wa seratswana sa pele temeng ke ofe?

- A Ke seratswana se akaretsang ditaba tsa tema.
- B Ke seratswana se tsebisang mohopolo wa sehlooho wa tema.
- C Ke seratswana se hlalolang diketsahalo tsa tema
- D Ke seratswana se phethelang tema . (1)

4.20 Buka ena e na le ditaello tse kgutshwanyane, tse rutang ho tloha ka mokgwa wa ho hlopha diaparo ho isa ho ho thibolla ntlwana.

Hlwaya leadingwa polelong e ka hodimo.

- A thibolla
- B hlopha
- C buka
- D kgutshwanyane (1)

(20)

Pheletso ya teko

